



RADIO BERCIK - SILESIA

<http://www.radiobercik.eu>

info@radiobercik.eu

05.07.2009 - 05.07.2010

Slonzoki poradzom, a Berciki sowieso...

Kulturvereinigung Bercik - Silesia e.V.

05.07.2009 we Neuss my sie spotkali i nas Verein ze przyjaciolmi zaklodali. Kulturvereinigung Bercik - Silesia e.V. my go nazwali. Jak same miono sam godo, je to zwionzek kery wzion sie za zadanie i tyz do serca, by dbac i promowac ta naso piykno slonsko godka kero nom fater i muter do kolybki dali. My sie staromy o nia wszyndzie, - na ulicy i we urzyndzie. Narazie nazywajom jom jesce "gwarom", ale my momy tako cicho nadzieja, ze dockomy sie tego dzionka, co nom te nasze godanie i beranie jako nas wlasny jynzyk kejs uznajom! Jak niy my, to nase dzieci abo wnuki, kere bydom oficjalnie niom na bez-dziyn i bez gainby we urzyndach i na ulicy stosowali.

A my z naszy strony robimy wszystko co yno idzie, by my sie wszyscy tego dnia dockali! - Momy sam na nasym radioku prezynterow, kerzy to po slasku godajom, berajom, wice osprawiajom i nom ku tymu jesce dzionek umilajom. Momy do wos tyz rozmaite slonske spiwyki z nasego hajmatu, kere bez eter na colki swiat posylomy, wszyndzie tam, kaj nos to yno suchajom i radyjok BERCIK - SILESIA zaloncajom!

Zapolyncow tyz niekerych sam u nos momy, kerzy to po nasymu i do rymu strofki uklodajom. Robiom to z uciechom, tak jak yno poradzom, bo kaj sie mieli tyj godki ucyc jak niy w doma, tam kaj nasyj godce z colkiego serca Oma i Opa, Fater i Muter festy przajom! Nase klachulki sie ku tymu zowdy przycyniajom i na kozdo okazjo nom cosig fajnego naszkryflajom. Za to im tyz piykniscie w ta nasa (1) rocznica dziynkujomy, dziolchy, dyc my wom za to festy przajomy.

We kozdo niydziela mogomy tyz Mszy Sw. z "Gutyna" (Dobrodziynia) posuchac, porzykac i za wszystko Ponbockowi piyknie podziynkowac. Za zdrowie do colkij rodzinki, za to, ze Slonsk do nos Slonzokow narychtowol kerymu to tak festy lod serca przajymy, za to wzystko festy dziynkujmy! Niy yno rzykac poradzimy - ale tyz spotkania i biesiady do wos robimy, tam kaj sie razym, do kupy przy slonskich spiywkach pobawic, poklachac abo o hajmacie i inkszych sprawunkach pogodac mogomy.

Na koniec jesce jedna informacjo sam do wos momy - co my do wos na nogi postawiyli: Toz we prawie kozdo niydziela na wiecor o 20:00 zaproszomy wos wzystkich do klubu "Albatros" na "Slonskie Biesiadowanie" kaj nos to Leszek i Kornelia z rozmaitymi zespolami zabawiajom. Sam sie tyz wzystcy mogom dokupy pobawic i potancowac, choc co niekery yno wirtualnie ale dziynki naszy konzoletce pozdrowiyn zowdy blisko i zowdy cuzamyn!

Toz jak widzicie jako **Kulturvereinigung Bercik-Silesia e.V.** my nie proznujemy yno robimy i bydymy dali wszystko robic co yno idzie, by tyj naszy godki nigdy niy zatracic. Bydymy jom posylac bez radyjok na colki swiat, kaj nos to yno suchajom, by niy ino my - ale i nastympne pokolynia dali po slonsku tak jak my sam dzisioj - godali!

Wos sam wzystkich do pomocy i wpolpracy do nasego zwionzku serdecznie zaproszomy, a tym co pomagali i sie o wszystko zowdy starali sroge Danke dzisioj godomy. Fto sie na to pise, prosimy o maila na info@radiobercik.eu Sam wom gibko lodpowiymy, a moze juz jutro Wos jako nowych czlonkow we nasym vereine przedstawimy.

Sam jesce yno jesce nase konto na spyndy Wom podowomy:
a fto zechce to mu tyz "**Spendenbescheinigung**" roz w roku wysylomy.

Wpłaty na wsparcie z niemiec prosimy pod:

Name: **KV. BERCIK - SILESIA**
KTO: **823609700**
BLZ: **25260010**
Bank: **Volksbank Peine**

Wpłaty z zagranicy prosimy pod:

Nazwa **KV. BERCIK - SILESIA**
BIC: **GENODEF1PEV**
IBAN: **DE42252600100823609700**

Zarząd:

Kulturvereinigung Bercik-Silesia e.V.
KV.BERCIK-SILESIA@t-online.de

Berni, Peter, Karina, Siggie i Beate

© Copyright 05.07.2010 Kulturvereinigung Bercik-Silesia e.V.